



朝
文
粹

十三

詩
文

~ 16
3317
14



門 16
號 3317
卷 14

本朝文粹卷之十三



○祭文 有供物

祭龜山神文

前中書王

黑川真道藏書



維天延三年乙亥之歲八月十三日壬子吉
日良辰左大臣從二位源朝臣兼明謹以香
花之薦敬祭龜山之神伏惟云神云鬼無親
無疎慎謹是臧恭敬是享致誠以祈之豈不
欽饗哉兼明年齡衰老漸欲休閒爰尋先祖

黑川真道藏書



聖皇嵯峨之墟請地於栖霞觀占此靈山之麓初求於易筮吉也問於相者最也取於中心得也三者相須即披草萊結茅茨時々往來棲息漸尚矣今所恐思者實是愚暗之身不知神明之禁遏以有所觸犯矣人何無過謝過謝罪神之所宥也神若有所怒者早宥其過神若可成喜者彌加擁護神不自貴以人敬則貴人不自安依神之助則安伏願神

靈幸垂鑑察驅却邪鬼掃去毒虫人無疾病盜賊之憂室無風雨水火之害至于牛馬無有凶損是神之恩也人之幸也春秋敬祭將傳子孫伏請尊神必垂欣享再拜謹重敬言伏見此山之形以龜為體夫龜者玄武之靈司水之神也甲虫三百六十之屬在於北方靈龜為之長或背負蓬宮不知幾千里或身遊蓮葉不知幾萬年神靈之至誠無量者也

他山莫不有永此山豈可乏水乎夫水者稟
秋氣於庚之金盛正位於北方養春味於震
之木歸末流於東南群品爲之亭毒萬物爲
之生育故山頂猶有水山趾豈無永乎而此
地無永進退惟谷伏望山神開視聽起羸負
引水脉而通洪流穿石竇而下飛泉然則上
以薦神明鬼物中以用飲食湯沐前則潔耳
目導心曾而長養幽閑之志後則除煩穢滌

汗濁而收得拂拭之便是神之祐也人之望
也昔貳師將軍拔佩刀而刺山飛泉涌出戊
巳校尉正衣冠而拜井奔流激射感之至也
若不感應者是无神靈也先以水爲事驗將
知神之有無矣神誠有靈答此祈請再拜
爲負外藤納言請修飭羨福門額字告
弘法大師文 大江以言
維寬弘四年歲次丁未正月朔參議正三位

檢新中宮藏部
可看

本朝文粹卷之三

行兵部卿兼左大辨侍從播磨權守藤原朝
臣行成一心奉請弘法大師尊像敬警香花
之奠驚覺而言其蒙去月其日宣旨解可修
飾美福門額字者今件門額是大師之手書
也題署之後載禮久矣制草之上露點雖消
入木之中風勢無盡所存筋骨似有精靈今
蒙明詔而欲下墨則疑有黷聖跡之真謹更
憚聖跡而將閣筆恐拘辭明詔之朝章晉退

非心胡尾失步危於凌雲之忽變於梳雪之
首カウニ甚於五德之不及於九苞之翎ツバサニ然猶晉右
軍之署南門後加隋代之花飾魏庶子之題
西省本是唐帝之草真就其舊跡更施新功
中心所望前聞在斯伏乞尊像示以許否若
可許所請者尋痕跡而添粉墨若不許所請
者隨形勢而廻思慮主事靡監蓋鑑於此尚

鄉食

此天林

此天林

此天林

北野天神供御幣并種々物文中原長
國獻上。大江匡衡

御幣上紙百帖 供物二長櫃
色紙繪馬三疋 走馬十列

右天滿自在天神或鹽梅於天下輔導一人
或日月於天上照臨萬民就中文道之大祖
風月之本主也翰林之人尤可夙夜勤勞而
性愚事劇思以涉年爰露命半祖無益噬臍
風情欲隱不如傾晉音彭祖七百載悔已杖

晚而早衰今小子六十餘猶恨趨朝以不幾
萬死也一生也只仰神眷而已匡衡病中右
筆伏地敬白

寬弘九年六月廿五日正四位下行式部
大輔兼文章博士丹波守大江朝臣匡衡
敬白

○呪願文

臨時仁王會呪願文 後江相公

三千界中唯佛是你十六會外此經殊勝
非有非空妙理冰渙天上天下牟尼月明
既稱仁主神符救世亦號護國潛衛佐時
我皇虛心^{カキミ} 睿慮安在^{イサカ} 聖主責已^{ムコト} 神襟何由^{カミヨ}
五元餘殃拂而難盡三合遺孽防而猶留
山東凶徒結黨構逆海西狂豎成群挾邪
凌辱吏民劫略州縣顧我風化仰慙祖宗
爰命將軍議其征伐穀城石動常山蛇驚

付屬寄深可假誰力受持志切莫惜其威
青陽六旬果月七日近綾綺殿遠羅城門
驗佛堂前名神社下百講排座二軸分時
抽誠一心求助五力准法守護如說修行
東方菩薩持金剛杵放青色光來護我國
南方菩薩持金剛索放白色光來護我國
西方菩薩持金剛釵放金色光來護我國
北方菩薩持金剛鈴放瑠璃光來護我國

中_テ方_ニ菩_ツ薩_ヲ持_テ金_ニ剛_ノ輪_ヲ放_テ五_ニ色_ノ光_ヲ來_テ護_ル我_ノ國_ヲ
開_テ題_ノ之_ノ初_ニ授_テ首_ヲ悔_ム禍_ヲ結_テ願_ヲ未_ダ畢_ラ束_テ手_ヲ請_フ降_ラ
須_レ臾_ニ奔_レ亡_ト同_ニ逐_レ風_ヲ籜_ヲ刹_ニ那_ノ殄_ニ滅_ス類_ニ向_テ日_ノ冰_ヲ
戎_ノ旅_ヲ長_ク停_テ藏_ニ兵_ヲ武_ノ庫_ヲ風_ノ塵_ヲ自_ラ靜_カ放_テ馬_ヲ花_ノ山_ヲ
七_ノ難_ヲ先_ク銷_ス四_ノ海_ヲ無_シ事_ナ斑_ニ足_ヲ遷_レ怒_ヲ赤_ニ脛_ノ比_ノ蹤_ヲ
杏_ノ華_ヲ欲_ク開_ク何_レ忘_ル東_ノ作_ラ桑_ノ葉_ヲ初_ク吐_ク須_レ催_ス西_ノ蠶_ヲ
古_ノ釵_ヲ空_ク拋_ク鑄_テ耕_ニ田_ノ器_ヲ新_ク弓_ヲ徒_ク弃_ク造_テ綵_ニ絲_ノ車_ヲ
風_ノ曆_ヲ運_レ長_ク鴻_ノ業_ヲ德_ヲ久_ク壽_ヲ福_ヲ俗_ヲ阜_ク無_シ死_シ有_レ生_ス

禮_テ節_ヲ資_ヲ饒_ク乞_フ漿_ヲ得_テ酒_ヲ四_ノ生_ノ太_ク小_ク三_ノ界_ヲ親_ク踈_ク
併_ニ開_ク善_ノ根_ヲ同_ニ攀_ク覺_ノ藥_ヲ

天慶二年二月廿二日

淨妙寺塔供養呪願

水_ノ不_レ昇_リ上_リ月_ノ不_レ下_リ降_ラ一_ノ月_ノ高_ク晴_ク衆_ノ水_ヲ同_ニ泛_ス
水_ノ月_ノ程_ヲ隔_テ雖_モ無_シ昇_リ降_リ感_テ應_ス道_ヲ交_ハ自_ラ通_ス念_ヲ願_ス
粵_ノ左_ノ相_ノ府_ヲ曩_ノ志_ヲ內_ニ催_ス木_ノ幡_ヲ古_ノ墳_ヲ草_ヲ創_テ新_ノ寺_ヲ
忽_ニ飾_リ神_ノ道_ヲ爰_ニ開_ク佛_ノ庭_ヲ晝_ニ衣_テ六_ノ時_ヲ勤_ク修_ス三_ノ昧_ヲ

露蒿遙契 慈導龍花 風松永傳 妙法貝葉
一乘教法 今盛此中 多寶證明 必來此處
彼佛昔誓 供養全身 其處先須 起立一塔
仍課土木 遂以合成 冬初初功 冬終終業
番菓葉葉 其構雖微 魯匠殷工 其誠猶至
釋迦多寶 半座全身 普賢文珠 觀音勢至
眉間瑩出 頂上照來 二世尊前 四菩薩後
窮冬二日 吉日良辰 燒香散花 恭敬供養

作一心禮 囉百口僧 霧集雲廻 或梵或唄
山表寒雪 四花假粧 林梢曉星 九枝添影
事已周備 福豈虛捐 列祖精靈 一族朽骨
別則考妣 及以兄弟 共證菩提 普關功德
先擎白葉 敬獻紫宮 堯日輝長 舜風薰久
太上兩院 皇后仙圍 玉砌收塵 珠簾拂霧
中宮露暖 麗花鎮榮 內職風和 累葉無動
龍樓永樂 猿巖彌堅 三槐庭平 九棘門靜

施主蓄念 唯佛證知 照之見之 必滿必足
現世安穩 後生菩提 輔國周公 顧家魯子
天衆地類 陪增威光 上下見聞 親踈遠近
塵刹沙界 六趣四生 出三界門 至四衢道
實弘四年十二月二日

○表白文

天皇御筆法華經供養講說日問者表
前中書王

金輪聖主堯雲遍燾潤藥草於春 畝舜日重
照轉法輪於昏衢方今開蓮之文出聖跡臨
池之妙貫花之偈生神筆入木之功爰擇碩
德於鴈堂開講筵於燕寢誠是所未曾聽不
可得逢者也講匠先當其仁始說其義東風
未溫舌下之冰盡解子夜未至曾中之月先
明聊叩疑關之樞將披難入之義
天曆九年正月四日

發願文 二條

前中書王

伏願未來無量劫恒河沙世界於法華經自
 書若令人書受持讀誦若令人受持讀誦得
 令無其量以此一大事回緣之故使一切衆
 生悉得無上菩提願生澗底之松焦心成墨
 點亦化山下之泉引脉而添硯水春風和暖
 之朝生煙林之筭長莖握枝令可作筆管秋
 月淒涼之夕產寒郊之兔採毫纏毛令可作

筆柱以書著垂露之點以開出貴花之文亦
 冬為宿雪夏為行雨潤彼千畝滋我百穀令
 我持經者不乏_中食飲或為水蠶殺身成仁或
 為雪麻絕根報恩令我持經者不乏_中衣服乃
 至轉々隨喜者皆出有為界令至無漏地敬
 以發願

伏願未來無量劫恒河沙世界於我本尊觀
 音大悲至心供養盡身服事頂長為承跌之

地口常為唱名之業生々世世敢不退還為
叶我觀音之大悲願代五濁衆生受苦惱嗟
呼諸佛拋我不顧令我父溺苦海唯我觀音
視以慈悲之眼朝庭拋我不顧令我既為弃
井唯我觀音降以汲引之恩恒沙之界立錫
之地猶無非奉為觀音弃身之處矣三世諸
佛誠聽我言吾重觀回緣聞法華之勝理覺
觀音之慈悲是釋尊之遺教也一切善願先

奉廻向白衣弟子伏以發願敬白

○知識文

觀學會所

欲被故人黨結同心合力建立堂舍狀

慶保胤

堂一字

一間四面
可有禮堂

廊一字

各七間
僧俗房

屋一字

七間炊
費所

右起會以降十六箇年緇素歸心內外勸學
 善哉此會未曾有之但有會名無會處每至
 期日借求諸寺若有謗法之倫是惜若有觸
 穢之事可避者其奈有期之會何豈可不歎
 乎假使下度延之闕之人心自怠我會空廢
 焉不能無待去年前甲州司馬刑部郎中施
 入地一處彼何人乎與善如是我等何不造
 一堂於其中乎嗚呼不聞蚊聲成雷不見狐

腋作裘莫辭官無俸祿莫道家太貧窶唯是
 力之所任志之所欲雖一錢一粒雖寸鐵尺
 木所不亦嫌也古今有造高堂大館者寧非
 旅宿乎有堆黃金美玉者又是浮雲也我等
 適起此堂永修此會世々生々見阿彌陀佛
 在々處々聽法華經是大日緣也是大善根
 也若有故人黨結之外同心合力之徒可以
 隨喜可以頌歎今記事由所唱如件請各勤

之勿以忽諸

天延三年九月十日

勸誘源高階

○廻文

勸學院佛名廻文

慶保胤

夫佛名懺悔者其來尚矣便是一院之舊跡
多年之恒規也。下帷之士不窺其園希張鳥
羅於煙郊閉戶之生不出其閫誰弄魚竿於
月浦然而照書之窓多積丹鳥之恨披快之

處自致紙魚之愁飛沉伏走之群胎卵濕化
之類或傾一旦之命或樂千歲之生寔雖長
短不同大小各異愛生惡死彼此同一者也
況復春苑鳴硯以花稱雪秋籬添筆假菊號
金妾語之咎難逃綺語之過何避誠雖樂遊
宴於下土之性尚恐遺罪累於上天之眸是
故卷書帷而禮佛掃文場而迎僧先生有餘
之罪願消禮拜之頭今生無量之福願開懺

悔之掌一筵先達得羽化於鳳掖之雲滿堂
 宏才致鱗飛於龍門之浪善根之地布施是
 勝羨集輕財於同心招厚福於合力所課有
 例諸君勉焉
 某年月日
 願文上
 神祠修善
 賽管丞相廟願文
 慶保胤

沙彌某前白佛言往年為榮分為聲名祈廟
 社祈佛法有日矣遂其大成徒于微官是天
 之工也是神之福也其一願曰就天滿天神
 廟會文士獻詩篇以其天神為文道之祖詩
 境之主也某暮年出家一旦求道今老沙彌
 無便營風月之賽此一乘教有心展香花之
 筵嗟呼花言綺語之遊何益於神道希有難
 解之法可期其佛身當此時也一神有慶衆

生頼之功德無邊普及一切敬白

寛和二年七月廿日

於尾張國熱田神社供養大般若願文

於尾張國熱田神社供養大般若願文

國宰正四位下行式部權大輔兼東宮學士
大介大江朝臣匡衡誓首禮足白佛法僧言
當國守代々奉爲鎮主熱田宮奉書大般若
經一部六百卷已爲恒例之事其中若有神

明不享之吏不能供養此經亦不能遂任秩
當國之事莫先於大般若會匡衡幸出顯巷
之雪窓謬莅尾州之風俗若不奉侍讀於我
后何必質朴之愚者得爲州刺史若不殖善
根於此地何必閑素之儒者得書大般若今
年遭洪水遭大旱國雖衰少治術少貪欲身
雖貧事不獲已率由舊儀莊嚴熱田之靈社
流布般若之教文請僧六十口伎樂兩三聲

財幣手帛。或々羅列。法器道具。各々并張。苟有潔信。潢汙之水。非穢。苟有香緣。智惠之花。自開。初謂盡善。盡美。具足以快薰修。豈圖隨有隨無。低頭以纒。供給傳聞。大般若者。釋迦如來。成道十年之後。於鷲峯等四處十六會中。所說為除憂苦。譬之天上。莫耆之藥。為滿求願。喻之海中。如意之珠。三世如來。以為慈母。十方菩薩。以為尊師。昔玄奘三藏。從大唐

顯慶五年正月。至龍朔三年十月。首尾四年。譯之。今白衣弟子。從日本長保三年八月。至寬弘元年十月。首尾四年。書之所生。功德以莊嚴三寶。大海三所。權扉以廻向天衆地祇。三界四恩。忝捧惠業。奉祈金輪聖主。增長福壽圓滿。御願澄清天下。興隆佛法。復誓護左府殿下。息災延命。千秋萬歲。仰願諸佛知見。證明嗟呼。碎丹心。而營佛事。還類常啼菩薩。

之售身割薄俸而饒神威只恃熱由權現之
垂跡我願已滿任限亦滿欲歸故鄉之期今
不幾神明願賜靈貺匡衡敬白

寬弘元年十月十四日正四位下行式部
大輔兼東宮學士江朝臣匡衡敬白

○供養塔寺

村上天皇供養雲林院御塔願文

江納言維時

夫雲林院者松筠有心之地香花不朽之場
也草創之功雖在宿昔興隆之恩猶切當今
此院堂舍鐘樓皆悉具足其所無者塔婆而
已風聞造塔善根流傳貝葉豈唯果報之殊
勝兼復道場之莊嚴也仍心中發願之後新
結構多寶塔一基安置五佛像飾金之鐸待
曉風而常鳴承露之盤非秋日以永映便開
支提之會身歸心正驚羅漢之僧百口應

請內典云。若人作樂供養三寶所得功德無量無邊不思議。是故別命伶倫整理音樂。兼令舞人盡其妙曲。嗟呼落花飄颻之光寧如翻袖垂柳婆娑之態難及轉腰抑亦往年擇此地之閑敞。修法華三昧。半行半座累日累年。今令移舊造普賢菩薩像。舊書妙法蓮華經於寶塔之中。至行三昧於此致勤。駕六牙之白象。證明無愆。護一乘之法輪。觀念不變。

法會勝利。普將廻施。天神地祇之不同。共向惠日。聖靈寃靈之相異。盡住法雲。華夷銷塵。盡感四海之清謐。朝野卷霧。皆戴三光之精明。仰願玉臺之中。彌添王德。金殿之上。又照金輪。黃河澄波。再計五百之歲。紅桃結子。三期一千之秋。乃至鵝王威力。遠任遍法界之風聲。鴈塔功能。遙分利衆生之月影。敬白。

應和三年三月十九日

為左大臣供養淨妙寺願文

江匡衡

弟子大日本國左大臣正二位藤原朝臣某
前白靈山淨土釋迦尊言風聞天上天下妙
覺之理獨圓三千大千無緣之慈普被佛法
之冲邈不可得而稱者也弟子自竹馬鳩車
至而立強仕不好獨善企兼濟不忘敬始願
善終昔弱冠著緋之時從先考太相國屢詣

木幡墓所仰三重瞻四破古塚累々幽塚寂
寂佛儀不見只見春花秋月法音不聞只聞
溪鳥嶺猿爾時不覺淚下竊作斯念我若向
後至大位心事相諧者爭於茲山脚造一堂
修三昧福助過去恢弘方來思以涉歲不敢
語人爰承累葉之慶浴皇花之恩年三十極
人臣之位十一年忝王佐之任皇帝之為舅
也皇后之為父也榮餘於身賞過於分如履

虎尾如撫龍鬚。因茲雖趨朝庭。雖居私廬。發
菩提心。凝道場觀。行住坐卧。事三寶。造次顛
沛。歸一乘。抑檢家譜。萬歲藤之榮。所以卓犖
萬姓。其理可然。何者。始祖內大臣。扶持宗廟。
保安社稷。淡海公手草詔勅。筆削律令。與佛
法詳帝範。其後后妃丞相。積功累德。寔繁有
徒矣。建興福寺法華寺。開勸學院。施藥院。忠
仁公始長講會。昭宣公點木幡墓所。貞信公

建法性寺。修三昧九條右相府。建楞嚴院。修
三昧。先考建法興院。修三昧。此外傍親列祖
之善根德本。不遑稱計。方今時々。詣墳墓。爲
建寺。指點形勝。向彼松下。則感二恩。父母之
廟壇。問此巖頭。亦瘞同胞兄弟之芳骨。雖至
孝鍾愛之子孫。不能晨昏。雖近習舊勞之僕
妾。不能陪侍。山嵐朝掃。庭溪月夜。舉燭而已。
仍自長保六年三月一日。結花構。償初心。不

材之所企造普賢而為刻木拜觀之志匪石
之所思書妙法而代立碑記德之文是以勵
拙掌而馳筆區以信為嘉手債毘首而加意
匠移孝禮尊顏今日擇曜宿始法華三昧刻
十月定星之期廻萬代不朽之計于時蒙霧
開愛日暖可謂天地和合風雨不違祖考感
應垂冥助之令然也別亦奉書法華經百部
千軸般若心經百卷囉百餘口賢聖眾以香

花梵唄洪鐘浮磬寶蓋幢幡名衣上服七珍
百味供養之演說之青苔鋪設自展七淨瑠
璃之茵紅葉亂飛暗成千花錦繡之帳玉軸
星羅見崑山之積玉金言流布知提河之有
金夫寺廟者如來之墳墓也實相者法身之
舍利也丹誠獨勝有便於弘一乘主舍不遠
無煩於羣僚丹丘青塚忽具如來之真色
萬籟百衆皆唱妙法之梵音疑是靈鷲山之

乘五色雲以飛來歟將亦法龍池之驚六種
動以涌出歟視耳未曾視聽目未曾聽彼端
木者魯之賢士也移家於孔子之墓傍王劭
者晉之重臣也築寺於祖父之廟北聚龍象
以弘智峯譏羊太傅之絕後胤伴槐棘以高
法棟擬王丞相之拜先塋黑白衣之雲集豈
唯三州五郡之淺契內外戚之影從抑亦見
佛聞法之大緣功德遍于法界利益及于衆

生我願已滿衆望亦足以此一善廻向四恩
天下安穩萬民快樂敬禮釋迦多寶妙法大
乘妙光法師普賢菩薩入此道場證明功德
天神地祇及茲山幽靈善神等被如來之衣
著菩薩之座仰願三寶增益一念嗟呼煖寒
木於大智之日浹變蒼柏之煙霏朽壤於甘
露之泉手播白蓮之種劫石雖磷願主之印
不泯芥城縱畫不退之輪長轉願共諸衆生

上征堯西遇彌陀弟子某歸命誓首敬白

寬弘二年己未十月十九日申午左大臣

供養同寺塔願文

弟子某歸命誓首白佛言木幡山淨妙寺者
松栢有心之地佛法肇興之場也弟子為奉
貴祖考宗族之幽儀發未曾有之願累々墳
墓之緣邊新建寺院修法華三昧設供養於
無疆期香花於不朽蓋慕古人廬墓側之跡

所草創也曉夕參詣孝之至也其由緒詳見
寬弘二年十月供養寺之願文矣方今此寺
有佛像焉有經典焉有禪侶焉有鐘樓焉有
房舍焉有庖浴焉道場之體漸具其下成聚
成邑唯其所無者塔婆而已風聞若善男子
善女人等以清淨心造作佛塔是人一生不
為一切毒藥所中壽命長遠無有橫死究竟
當得不壞之身矣非唯果報之殊勝兼為佛

庭之莊嚴仍以心中發願之後新結構多寶塔一基其內安置釋迦多寶一如來普賢文殊觀音勢至四菩薩等不日而成若是從地涌出歟穿雲而出將亦自天飛來歟金星銀星之左右飭護塔之魚白雲青雲之低昂迎遊塔之鳥見露盤之耀日道場觀之曾已開聞寶鐸之鳴風菩提心之淚先落如遇過去之二親振肝葉而歡喜似對優曇之一現合

掌花而薰修今日設大會供養此寶塔囉百餘口之羅漢仰三世佛之證明羣鸞鳳之群代鸞雀之賀麥雲衲霞袂或來自靈鷲山之巔錫杖香爐或出從鳳凰谷之底道儀照地九億之人皆來法音沸天三千之界盡動弟子年來作功德種々無量半是為菩提半是為現世心汚不必清淨攀緣非無所慙於此造塔為祖考先靈成等正覺也為自身滅罪

生善無上菩提也。夫近塔之石變為美玉，近塔之土變為黃金，度塔上之飛禽，避結使之羅，過塔下之走獸，免煩惱之箭，何況於至心人乎。然則此山之林中，縱有枯株，依造塔力，可榮何株，非釋迦樹。此山之藪中，縱有寒草，依造塔力，可暖何草，非妙法蓮華之塔瓦文。有萬歲千秋樂未央之七字，推其樂字之趣，感淚難禁，現世則天下太平，理世安樂之樂。

後世亦地下拔苦，往生極樂之樂。弟子所願已同，凡文所修，功德廻向十界，所修善根，引攝四恩，天神地祇，向惠日而增光，精靈冤魂，浴法雨而離垢，亦願上自紫宸下及黔首，華夷消災，幽顯蒙益，南無一代教主，釋迦尊多寶分身，諸善逝，增益我願，助成我願。昔幼日童子之戲，聚沙施石，今長年丞相之勤，營玉範金，阿育者阿闍世王之孫也，假神力而責。

鬼傭弟子者日本國王之舅也浴皇恩而興
佛法愚丹所思啓白如此弟子某歸命誓首
敬白

寬弘四年十二月二日弟子左大臣正二位
藤原朝臣道長敬白

為首僧真救供養寧都婆願文

江匡衡

佛子真救敬白幼少失兩眼十餘隔二恩身

已有若亡人間既非可求名利心在無上道
佛界何不垂慈悲是故至十三出家及四十
不退衣雖破懺愧之衣是全食雖乏禪悅之
食是豐自雖暗有耳得聞諸法理目雖暗有
舌得誦一乘經目雖暗有意得念極樂自雖
暗有足得至道場嗟呼目暗一不幸也不見
經不見佛不知晝不知夜目暗一幸也雖向
衆色不起見欲無怨無怒無喜無辱弟子宿

報可思後生可懼久遠幾久遠乎未來幾未
來乎涅槃山上釋尊之日早藏生死海中慈
氏月未照悲哉我等衆生進不遇釋尊退不
期慈氏恨止其中間空欲歸三惡是而不勤
後悔不及夫率都婆之功德大哉至哉不可
得以說仰變身於多寶如來尋信力於雪山
童子功能出於般若饒益傳於俱縛因茲弟
子致一心合衆力造立十三基容有三面矣

一面奉圖阿彌陀佛觀音勢至各一體二面
奉圖阿彌陀佛地藏龍樹各一體以六體佛
菩薩蓋當六道矣一面奉圖阿彌陀等蓋檀
那善女人之願也凡十三基中奉寫法華廿
八品諸真言等真救跪於佛法僧前起悲心
發弘願願以此功德迴施諸衆生云佛云經
計微塵劫以度脫一香一色遍恒沙小以熏
修此中有如我病重者如我貧窮者先與諸

藥令到寶山然則我等衆生斷惡修善離苦
得樂不越南部便覩西方敬白

○雜修善

朱雀院被修御八講願文

江納言

風聞佛心湛水智惠之海無涯神變放光暗
冥之霧盡散花雨四種彌勒欲決疑於當今
材明六通文殊能弁瑞於往昔寔知釋迦尊

之說法華經也醍醐味灑豈求雪山之中梅
檀風吹自出雲臺之下無二無三之車脂轄
運載爲宗難解難入之門排肩開悟不測是
故聽聞受持者書寫供養者保寶珠於醉後
照燃燈於暗中彼岸引攝之因普濟三千界
之塵數佗方妙覺之果速證四八相之金容
柳朝露易滅春夢非長刹那之榮花更變枯
木須臾之歡樂還爲苦緣况復紅桃漸淺可

動風前之心。翠柳不濃。何貽霜後之悔。月宮
留影。雖得承天之名。塵翳寄身。恐滯成佛之
道。加以流轉三有之群類。欲拔罪根。往返六
趣之衆生。思授覺慧。何謀能救。憑白毫之照
見。何善能通。仰白牛之引道。因茲或於天台
山。或於法性寺。多造尊像。數寫經王。白業年
深。丹心日積。然而大光迴映。猶有伏不見之
人。下乘轉輪。非無退亦佳之輩。重爲佛法興

隆。自他利益。奉造立金色釋迦如來像。一體
奉書寫金字妙法蓮華經一部。千花開盡之
候。百鳥和鳴之時。八講展筵。四日設會。鶯子
無雙之智。振英聲於暮春之風。鶴勤有一之
才。傳義寶於長秋之聽。其所修者。朱雀院之
中。栢梁殿之上。優曇花發。海岸香薰。嗟呼。切
利天宮之園舍。歡喜之號。蓮華世界之鳥嘯。
妙法之音。懷古感今。異處同趣。以此勝利。遍

擬廻施天神地祇增威光以隨喜寃靈邪鬼
銷怨氣以歸真紫微聖德之居金輪常照
玄圃仙遊之際玉體永明在藩諸王不改盤
石之固空桑賢輔久保金鉉之名文官武官
共勵吹塵橫草之忠節畿內畿外皆報千門
萬戶之歡娛乃至自有頂天及阿鼻地如此
經說濟度不遺敬白

天慶十年三月十七日

朱雀院平賊後被修法會願文

後江相公

奉圖觀音像六鋪

奉寫法華經六部

右奉仰云慈悲為舟濟度類於苦海智惠是
炬照群迷於昏衢難解難入白蓮之種貫花
無去無來紺頂之影澄月無得而稱其唯妙
覺歟伏惟追尋往事不忘者有猥以眇身嗣

膺寶曆訓俗少術踐薄冰於深淵撫民失方
懼朽索於奔駕東山捍命之徒陣雲漫起南
海亂常之族逆浪不閑遂議征伐而出師更
愍滅亡而泣罪或伏白刃而傳首或迷蒼波
而亂骸猶恐九泉之底永纏寒冰三塗之間
彌溺沸鼎合眼憂悲彈指聲咳昔當萬邦之
有罪歸責於一人今思四生之無安未哀於
十力夫遊十方而導衆生觀音之誓自在兼

三界而救群類妙法之功甚深故今圖繪尊
像繕寫寶典分此一心備於六道雖在官軍
雖在逆黨既云率土誰非王民欲混勝利於
怨親以頌拔濟於平等况隋高祖之建仁祠
變戰場於頗梨之閣唐太宗之設齊會迎亡
卒於菩提之門在今尋古世異趣同爰展一
日之錦筵普施十僧之綺饌意樹迎春解脫
之枝點萼身由迎夏定惠之水滂光非揮智

叙何剪稠林仰願多寶如來從地涌出普賢
菩薩乘象降臨證明恩波之無岸知見聖德
之有隣又願燕肝越膽輪廻之鄉無期欲海
愛河流轉之輩不定請扇鷲頭之餘風併滅
阿尾之殘焰者奉仰令修如件敬白

天慶十年三月廿八日別當從三位守大
納言兼右近衛大將藤原朝臣師輔奉

供養自筆法華經願文 前中書王

弟子某敬白夫來而不留薤壘有拂晨之露
去而不返槿籬無投暮之花論此浮生如彼
花露乎况雪鬢齡邁黃壤期催若不心起一
念手成微功徒為東岱之暗魂北芒之朽骨
因尋竒肱而奉造白檀觀世音菩薩一柱釋
提桓因毘沙門亦穿拙掌而奉寫墨守法華
經一部開結經般若心經貞元之歲無畏道
場敬啞鴈門之師講演鷲峯之偈伏願諸佛

如說隨喜播于一善之帶芥納於百億之須彌豈敢習人間之息災唯是充身後之追福而已昔朱邑之歸邑里也有懷桐卿之民今弟子之誠子孫也不如桑門之侶故以佛經屬我法侶雪盡冰解之日付谿鳥而傳妙音月殘露結之朝折籬花以供佛界迥可香煙之不絕者無恨先石火之早敲矣有為之鄉無邊之界同應方赤共期圓明兼明誓普敬

白

貞元元年九月十九日弟子左大臣正二位兼行皇太子傳源朝臣兼明敬白

為空也上人供養金字大般若經願文

善道統

奉書寫供養金字大般若經下部

夫以覺花承步應化之跡長芳佛日懸光真空之理已顯大千世界遍戴慈悲之雲一切

衆生悉潤。智惠之雨。嗟呼。諸無相。四生無常。
五蘊六根。雖陰陽之陶冶。真如椽落在善惡
之因緣。成劫壞劫。前身後身。禽獸魚虫。何物
非流轉之父母。山川藪澤。何處無生死之形
骸。是以爲四恩六道成佛得果。故始自天曆
四年九月。至于應和三年。今朝星霜十四廻。
曾臆千萬緒。常啼大士之本誓。懸心晨昏。法
涌菩薩之對揚。寄思開示。市中賣身。雖在我

願人間催信。既寄善緣半錢。所施一粒。所捨
漸々合力。微々成功。紺瑠璃之紙。象教垂跡。
紫磨金之文。鴈行成字。烏瑟暗加護持。羊柱
適畢書寫。抑空也。齡逐年暮。身與雲浮。禪林
戴霜有漏之質。已老意榮發露。無上之果。欲
求以先彼後我之思。爲思以利他忘己之情。
爲情。薜服防風之外。更企何謀。麻糈送日之
中。復施何力。曾無一鉢之儲。唯唱十方之志。

於是幽明共動遐邇普驚長安洛陽貴賤上下共致歸依令遂供養昔一婆聲聞之展齊筵廣勤三明之炬墨元比丘之傳法水遍廻六度之舟或催功德於人民或得恭敬於草木仍為廣集會廣隨喜殊於王舍城之東河假立佛世尊之月殿泰屈六百高僧之龍象將歸十六大會之煙霞白足青眼之輩鏤腹乘坏之人或降自雪嶺香山或至自菴園奈

苑甚深之義海象吐明月之珠精款之誠天人湛梅檀之水白浪咽石之岸相同鷺池青草敷煙之堤宛如鷺嶺方今聊設伎樂供以音聲洞簫羌笛之管曲沸晴夫龍頭鷓首之舟棹穿秋水况亦說法之後更臨夜漏設萬燈會修菩薩戒專念彌陀永歸極樂若空傳音如聞命々之鳥禪波澄意欲開上々之蓮皆以勝業先資神祇無明夢驚長別苦海有

習怨盡應謝稠林以此善根奉祈聖朝金輪
千輻道被飛帝之先玉體萬機化出哥王之
表蘭殿椒房鶴禁唐園母儀之砌蛇齒獻駐
老之衣少陽之宮龍胎勸延年之術三台九
棘百辟千僚花夏遠近緇素並早同浴佛海
之無邊須保壽木之不老乃至有緣無緣現
界佗界無始以來所有群類動五逆四重之
辜免三惡八難之苦荒原古今之骨東岱先

後之魂併關薰修咸證妙覺敬白

應和三年八月廿二日 佛子空也敬白

為仁康上人修五時講願文

江匡衡

佛子仁康敬白

奉造立金色丈六釋迦牟尼佛像一

軀奉書寫華嚴經等云

右佛經奉造寫如件夫佛日之出世也先照

高山次及幽谷影臨萬水光滿三空圓融亭
午寂滅平西衆生破暗此焉明矣不然者十
方佛土所擯棄是娑婆世界衆生徒累火血
刀之業因焉聞佛法僧之名字哉誠是生死
海中大船師煩惱病中大醫王也佛子哀哉
不值在世之日不生正法之時省躬彌愆向
誰而訴經曰若聞釋迦牟尼如來名號雖未
發心已是菩薩矣是以感淚暗催心作此念

願我與善知識共奉造釋迦尊之形像演暢
所說之經典令衆生得見佛聞法之便二二
年來能事畢矣昔忉利天之安居九十日刻
赤梅檀而模尊容今跋提河之滅度二千年
瑩紫磨金而禮兩足彼大主之力也五尺猶
假天上此貧道之功也丈六適叶人望方今
於洛陽城河原院設六日之大會移五時之
舊儀身子說經頭面禮佛七匝香煙琉璃之

雲成蓋。四種花雨。簷簷之露。添燈異口同音。
讚嘆如來之相好。低頭舉手。懺悔過去之罪。
業時也。大眾中或垂涕曰。我等不圖今日奉
見靈山。釋迦衆心歡喜。得未曾有。嗟呼衆生。
慈父。今已在此。三界何子不蒙教化。抑佛昔
於過去。釋迦牟尼佛所發心。作願曰。願我成
佛時。名曰釋迦牟尼。徒衆及教法。如今日世
尊佛子。今願亦復如是。凡厥發因起緣。或順

或逆。皆以今日之善根。將爲來世之張本。願
共諸衆生。往生安樂國。南無釋迦牟尼佛。敬
白。

年月日

奮然上人入唐時爲母修善願文

慶保胤

佛子奮然至心合掌。而白佛言。奮然心願。如
來可證明。奮然天祿以降。有心渡海。本朝夕

停乃責之使而不遣入唐間待商賈之客而
得渡今遇其便欲遂此志奮然願先參五臺
山欲逢文殊之即身願次詣中天竺欲禮釋
迦之遺跡但我罪障之身血肉之軀既到
其土而不易况見其身而可難古人云縱有
為大山者覆一簣以不止終及萬仞矣又有
赴長途者投咫尺步以不留必屆千里焉其積
功累德致誠專心者無事不成無願不遂奮

然去難去之家鄉棄難棄之恩愛寄心於無
知之域委身於異類之人豈不哀哉豈不痛
哉然猶不顧軀命不著名利渡海登山忍寒
忘苦修行是勤罪根漸滅大慈大悲釋迦文
殊可以憐愍可以相迎佛子自發此願獨恠
此心何況道俗云誹謗盧胡者已千萬人
弟子童子勸誘相從者纔二三輩其謗者云
凡入唐求法之人自宗者弘法大師天台者

傳教大師皆是權化之人。希代之器也。此外
之倫才名超衆。修學命世。如佛子者。不及古
人之喻。猶不可天之階矣。定知表我朝無入
也。竊以不得意人所陳。宜然。夫非魚者不可
以知魚樂。非我者不可以覺我心。奮然聊露
膽於二寶。兼解嘲於衆人。佛子其行不必得
待。綸言縱歸。何敢貪職任。爲是斗藪。爲是菩
提也。若適有天命。得到唐朝。有人問我。是汝

何人。捨本土朝。巨唐有何心。有何願乎。答曰。
我是日本國無才無行。一羊僧也。爲求法不
來。爲修行即來也。其詞如是者。於本朝有何
耻乎。彼鍾儀之遇繫囚也。尚奏楚樂。莊烏之
得富貴也。不變越聲。胡馬非北風。不嘶。越鳥
非南枝。不巢。雖誠禽獸。猶思鄉土。况於人倫。
豈輕桑梓乎。佛子心有難忍之事。如來重照
見之。老母在堂。行年六十。其恩是深。不得示

報佛子拋母欲去則可失孝行携母將留亦
可乖宿懷初獨思量之後終相談之母曾無
怨貌既有勸心佛子一歡一泣淚與言落我
母不是人世之母是善緣之母也若萬人緩
頰苦心而諫之我未必從若一親形言變色
而留之我可何逆哉誠勸我之佛道寧非我
之慈堂乎佛子有男女兄弟二三人相議曰
餘年之水菽者汝之所可營何以及飢寒後

生之菩提者我之所為先豈令隨惡趣乎凡
棄恩入無為真言之報恩奉圖十齋佛菩薩
及彌勒文殊梵天帝釋像一損奉書妙法蓮
華經仁王經各一部便於常住寺五日十講
供養演說是即為慈母七々日所逆修也所
以圖繪此佛像者為慈母一月十日精進歸
依所以講說此經典者令慈母現當植因結
緣也佛子不知天加慈母數年全佛子餘命

自唐朝還吾土再見母面終遭母喪又不知
 母者在此土而空亡子者於他鄉而不歸唯
 隨宿習之所催任運命之自然而已嗟呼我
 身非我身朝露易消暮雲難繫我心非我心
 昨日為是今日為非然則去留難定變改難
 期唯願如來永拂魔事將報佛恩敬白

天元五年七月十三日佛子齋然敬白
 本朝文粹卷之十三終

